

# Nalog Supervizora o privatizaciji određene imovine banaka koja se nalazi u Brčko Distriktu

**U skladu** sa ovlaštenjima koja su mi data prema stavu 37 Konačne arbitražne odluke od 5.3.1999. godine;

**Nadovezujući se na** Okvirni zakon o privatizaciji preduzeća i banaka u BiH ("Službeni glasnik BiH", broj: 14/98) koji priznaje pravo entitetima da privatizuju preduzeća i banke koje nisu u privatnom vlasništvu, a koje se nalaze na njihovim teritorijama;

**Podsjećajući** da su stavom 61 Konačne odluke entiteti delegirali Brčko Distriktu sva ovlaštenja za upravljanje i da u skladu sa stavom 12 Aneksa Brčko Distrikt ima pravo da upravlja imovinom koja nije u privatnom vlasništvu (javnom imovinom) i da istu privatizuje uz odobrenje supervizora, u skladu sa Okvirnim zakonom o privatizaciji u BiH;

**Obzirom** da Nalog supervizora o načinu privatizacije državnog kapitala preduzeća u Brčko Distriktu Bosne i Hercegovine od 19.9.2001.god. ne reguliše privatizaciju imovine banaka na teritoriji Brčko Distrikta;

**Priznavajući** da su ekonomske i praktične okolnosti, kao što su nepostojanje regulatorne agencije za banke u Distriktu i postojanje banaka i filijala banaka čiji se rad reguliše entitetskim propisima o bankama, uključujući visinu minimalnog kapitala, uslovile da državni kapital banaka koje se nalaze u Brčko Distriktu, a koji bi Brčko Distrikt privatizovao u skladu sa članom 12 Aneksa Konačne odluke, bude umjesto toga privatizovan od strane entiteta kroz sporazum zaključen sa

Brčko Distriktom, uz odobrenje supervizora;

**Sa namjerom da se stvori** zakonski okvir koji reguliše raspolaganje imovinom koja je ostala u vlasništvu Distrikta nakon privatizacije državnog kapitala banaka od strane entiteta;

**U cilju** ubrzavanja procesa privatizacije u Brčko Distriktu;

Ovim nalažem sljedeće:

1. Kancelarija za privatizaciju Brčko Distrikta je ovlaštena da putem tendera, javne aukcije ili direktne prodaje privatizuje imovinu u Brčko Distriktu kojom nije raspolagano u toku postupka privatizacije, a bila je dio imovine:

*I. banaka koje privatizuju entiteti;*

*II. banaka čiji je državni kapital privatizovan od strane entiteta uz odobrenje supervizora.*

2. Gradonačelnik Brčko Distrikta će u ime Brčko Distrikta, a na osnovu prijedloga Kancelarije za privatizaciju, zaključiti obavezujuće ugovore o prodaji imovine iz stava 1 ovog naloga. Kancelarija za privatizaciju će vršiti nadzor nad sprovođenjem ugovornih obaveza.

3. Ovaj nalog stupa na snagu odmah i biće objavljen u "Službenom glasniku Brčko Distrikta".

*Henry L. Clarke*  
*Zamjenik visokog predstavnika*  
*Supervizor za Brčko*